

春秋左傳杜注

春秋左傳杜注卷第二十一

華亭姚培謙學

昭公

經四年春王正月大雨雹

當雪而雹故以為災而書之。兩去聲。雹蒲學反。

○夏楚

子蔡侯陳侯鄭伯許男徐子滕子頓子胡子沈子

小邾子宋世子佐淮夷會于申

楚靈王始合諸侯

楚人執徐

子

稱人以執以不道於其民告。劉氏敞曰稱人以執者非霸討也。

○秋七月楚子蔡侯陳侯

許男頓子胡子沈子淮夷伐吳

因申會以伐吳不言諸侯者鄭徐滕小邾宋不在故也胡

國汝陰縣西北有胡城。汝陰縣今江南潁州是也。

執齊慶封殺之

楚子欲行霸為齊討慶封故稱齊

遂滅

賴○九月取鄆

鄆言邑傳例曰克邑不用師徒曰取

○冬十有二月乙卯

叔孫豹卒

傳四年春王正月許男如楚楚子止之

欲與俱田

遂止鄭

伯復田江南許男與焉

前年楚子已與鄭伯田江南故言復

使椒舉如晉

求諸侯二君待之

二君鄭許

椒舉致命曰寡君使舉曰日

君有惠賜盟于宋

宋盟在襄二十七年

曰晉楚之從交相見也

以歲之不易

不易言有難易以致反

寡人願結驩於二三君

欲得諸侯謀事

補闕

使舉請間君若苟無四方之虞

虞度也。間音開

則願假

寵以請於諸侯

欲借君之威寵以致諸侯

晉侯欲勿許司馬侯曰不

可。楚王方侈，天或者欲逞其心，以厚其毒而降之。

罰未可知也。其使能終亦未可知也。晉楚唯天所

相相助也，不可與爭。君其許之，而脩德以待其歸。若歸

於德，吾猶將事之。况諸侯乎？若適淫虐，楚將弃之。

弃，不以為君也。吾又誰與爭？公曰：晉有三不殆，其何敵之有？

殆，危也。國險而多馬，齊楚多難多難，多難也。，有是三者，何鄉而

不濟？鄉，去聲。對曰：恃險與馬，而虞鄰國之難，是三殆也。

四嶽東嶽岱，西嶽華，南嶽衡，北嶽恒。三塗在河南陸渾縣南。三塗山在今河南河南府嵩縣。陽城在陽城縣東北。今河南

府登封縣北三十八里。俗名車領山是也。

大室

在河南陽城縣西南。大音泰。嵩高三十六峰。東曰大室，西曰少室。今嵩高山在登封縣北十里。

荆山

在新城沅鄉縣南。示音市。今在湖廣襄陽府南漳縣西南。

中南

在始平武功縣南。亦作終南。今在陝西西安府長安縣南五十里。

九州之險也。是不一姓

雖是天下至險。無德則滅亡。

冀之北土。馬

燕代

之所生。無與國焉。恃險與馬。不可以爲固也。從古

以然。是以先王務脩德音。以亨神人

亨通也。

不聞其務

險與馬也。鄰國之難。不可虞也。或多難以固其國。

啟其疆土。或無難以喪其國。失其守宇

於國則四垂爲宇。

若

何虞難。齊有仲孫之難。而獲桓公。至今賴之。

仲孫公孫無知。

事在莊九年。

晉有里平之難。而獲文公。是以爲盟主。

里克平鄭事在

僖九年。

衛邢無難。敵亦喪之。

閔二年。狄滅衛。僖二十五年。衛滅邢。

故人之難。不

可虞也。恃此三者而不脩政德，亡於不暇。又何能

濟？君其許之。紂作淫虐，文王惠和，殷是以隕。周是

以興。夫豈爭諸侯，乃許楚使使叔向對曰：寡君有

社稷之事，是以不獲。春秋時見言不得自往，謙辭。見音現。諸侯，君

實有之，何辱命焉！椒舉遂請昏。蓋楚子遣舉時兼使求昏。晉侯許之。

楚子問於子產。○時子產從鄭簡公在楚。曰：晉其許我諸侯乎？對曰：

許君。晉君少安，不在諸侯。○安於少小不能遠圖。少安猶言少情。其大夫多

求。○貪也。莫匡其君，在宋之盟。又曰：如一。○晉楚同也。若不許君

將焉用之？○馬用宋盟。王曰：諸侯其來乎？對曰：必來。從宋之

盟承君之歡不畏大國大國晉也何故不來不來者其魯

衛曹邾乎曹畏宋邾畏魯魯衛偏於齊而親於晉

唯是不來其餘君之所及也言楚威力所能及雖敢不至王

曰然則吾所求者無不可乎對曰求逞於人不可

逞快也求人以快意人必違之與人同欲盡濟為下會申傳

○大雨雹季武子問於申豐曰雹可禦乎禦止也申豐魯大夫

對曰聖人在上無雹雖有不為災古者日在北陸

而藏冰陸道也謂夏十二月日在虛危冰堅而藏之西陸朝覲而出之謂夏三月日在昴畢也

出而用冰春分之中奎星朝見東方○孔疏釋例云北陸虛也西陸昴也孫炎云陸中也北方之宿虛為中西方之宿昴為中彼以陸為中杜以陸為道

者宿是日行之道爾雅高平曰陸高平是道路之處故以陸為道也又曰覲見也西道之宿有星朝見者於是而出之謂奎星晨見而出冰也其

藏冰也浚山窮谷固陰沍寒於是乎取之沍閉也必取積陰之冰所

以道達其氣使不為災○沍與互通周禮鬯鬯人掌五物鄭注龜鬯有甲滿胡是沍為閉也其出之也朝之祿位

賓食喪祭於是乎用之言不獨其公其藏之也黑牡秬黍

以享司寒黑牡黑性也秬黑黍也司寒玄冥北方之神故物皆用黑有事於冰故祭其神其出之也桃

弧棘矢以除其災桃弓棘箭所以禳除凶邪將御至尊故其出入也時食肉

之祿冰皆與焉食肉之祿謂在朝廷治其職事就官食者○與音預○孔疏在官治事官皆給食大夫以上食乃有肉故

魯人謂曹劌曰肉食者謀之又說子雅子尾之食云公膳日雙雞是大夫得食肉也傳言食肉之祿祿即此肉是也明在官之食有冰下云自命夫命婦無

不受冰謂賜之冰大夫命婦喪浴用冰命婦大夫妻祭寒而藏

之享司

獻羔而啓之

謂二月春分獻羔祭非始開冰室

公始用之

公先用

火

出而畢賦

火星昏見東方謂三月四月中○周禮夏頒冰

自命夫命婦至於老疾

無不受冰

老致仕在家者

山人取之縣人傳之

山人虞官縣人遂屬○周禮五縣為遂是

縣為遂之屬也

輿人納之隸人藏之

輿隸皆賤官

夫冰以風壯

冰因風寒而堅

而以風出

順春風而散用

其藏之也周

周密也

其用之也徧

及老疾則

冬無愆陽

愆過也謂冬溫

夏無伏陰

伏陰謂夏寒

春無淒風

淒寒也

秋無

苦雨

霖雨為人所患苦

雷出不震

震霆也

無蓄霜雹癘疾不降

癘惡氣也

民不夭札

短折為夭天死為札

今藏川池之冰弃而不用

既不藏

山窮谷之冰又火出不畢賦有餘則弃之

風不越而殺雷不發而震

越散也言陰陽失序雷風為害

○風不以理舒散而暴疾殺物。雷不徐緩動發而震擊為害。

雹之為萬誰能禦之。七月之

卒章藏冰之道也。

七月詩幽風卒章曰二之日鑿冰沖沖謂十二月鑿而取之三日納于凌陰凌陰冰室也四

之日其蚤獻羔祭韭謂二月春分蚤開冰室以薦宗廟○凌陵證反

○夏諸侯如楚魯衛曹邾不會曹邾辭以難公辭

以時祭衛侯辭以疾

如子產言

鄭伯先待于申

自楚先至會地

六月

丙午楚子合諸侯于申椒舉言於楚子曰臣聞諸

侯無歸禮以為歸今君始得諸侯其慎禮矣霸之

濟否在此會也夏啓有鈞臺之享

啓禹子河南陽翟縣南有鈞臺陂蓋啓享諸侯

於此○金置鈞州以鈞臺得名今河南開封府禹州是也州城北關外有鈞臺遺址

商湯有景亳之命

河南登封縣

西南有湯亭，或言亳，即偃師。今河南府偃師縣南二十里，有景山。史記正義曰：湯即位，徙西亳。西亳，即偃師也。

周武有孟津

之誓

將伐紂也成有岐陽之蒐

成王歸自奄，大蒐於岐山之陽。岐山在扶風，美陽縣西北。美陽在今武功縣境。

屬西

康有鄠宮之朝

鄠在始平鄠縣東，有靈臺。康王於是朝諸侯。今鄠縣屬西安府。

穆有塗

山之會

穆王會諸侯於塗山。塗山在壽春東北。今塗山在江南鳳陽府懷遠縣東南八里。

齊桓有召陵

之師

在僖四年

晉文有踐土之盟

在僖二十八年

君其何用，宋向戌

鄭公孫僑在，諸侯之良也。君其選焉。

選擇所用。向，舒亮反。戌，音恤。王

曰：吾用齊桓。

用會名。陵之禮。

王使問禮於左師與子產。左師

曰：小國習之，大國用之，敢不薦聞。

言所聞。謙示所未行。

獻公合

諸侯之禮六

其禮六儀也。宋爵公，故獻公禮。

子產曰：小國共職，敢不薦

守獻伯子男會公之禮六

鄭伯爵故獻伯子男會公之禮其禮同所從言之異。共音恭守去聲。

君子謂合左師善守先代子產善相小國王使椒

舉侍於後以規過

規正二子之過。陸氏祭曰規正會禮之失。

卒事不規王問

其故對曰禮吾未見者有六焉。又何以規

左師子產所獻六禮楚皆

未嘗行

宋犬子佐後至王田於武城久而弗見椒舉請

辭焉

請王辭謝之

王使往曰屬有宗祧之事於武城

言為宗廟田獵

屬章欲反適也

寡君將墮幣焉敢謝後見

恨其後至故言將因諸侯會布幣乃相見經并

書宋犬子佐知此言在會前。墮許規反。傳氏遜曰楚武城必有先君之廟故田獵以祭祭用幣畢瘞之故云墮幣也恨其後至託此為辭。

徐

子吳出也以為貳焉故執諸申

言楚子以疑罪執諸侯

楚子示諸

侯侈

自奢

椒舉曰夫六王二公之事

六王啓湯武成康穆也二公齊桓晉文

皆

所以示諸侯禮也諸侯所由用命也夏桀爲仍之

會有緡叛之

仍緡皆國名。仍而承反緡亡巾反

商紂爲黎之蒐東夷叛

之

黎東夷國名

周幽爲大室之盟戎狄叛之

大室中嶽

皆所以示

諸侯汰也諸侯所由弃命也今君以汰無乃不濟

乎王弗聽子產見左師曰吾不患楚矣汰而懷諫

懷恨也

不過十年左師曰然不十年侈其惡不遠遠惡

而後弃

惡及遠方則人弃之

善亦如之德遠而後興

為十三年楚弒其君傳

○秋七月楚子以諸侯伐吳宋犬子鄭伯先歸

經所以更

敘諸侯也時晉之屬國皆歸獨言二國者鄭伯久於楚宋犬子不得時見故慰遺之

宋華費遂鄭大夫從伐

吳以答見慰○費扶沫反從去聲

使屈申圍朱方

朱方吳邑齊慶封所封也屈申屈蕩之子

八月甲

申克之執齊慶封而盡滅其族

慶封以襄二十八年奔吳八月無甲申日誤

將

戮慶封椒舉曰臣聞無瑕者可以戮人慶封唯逆

命是以在此

逆命謂性不恭順

其肯從於戮乎

言不肯默而從戮

播於

諸侯焉用之

播揚也

王弗聽負之斧鉞以徇於諸侯使

言曰無或如齊慶封弑其君弱其孤以盟其大夫

齊崔杼弑君慶封其黨也故以弑君罪責之

慶封曰無或如楚共王之庶子圍

弑其君兄之子麋而代之以盟諸侯王使速殺之

遂以諸侯滅賴。賴子面縛銜璧，士袒，輿櫬從之。造

於中軍。中軍王所將王問諸椒，舉對曰：成王克許。在僖六年許僖

公如是。王親釋其縛，受其璧，焚其櫬。王從之。從舉言遷

賴於鄢。鄢楚邑楚子欲遷許於賴，使鬬韋龜與公子弃

疾城之而還。為許城也韋龜子文之玄孫申無宇曰：楚禍之首將在

此矣。召諸侯而來，伐國而克，城竟莫校。謂築城於外竟諸侯無與爭

王心不違，民其居乎。言將有事不得安也民之不處，其誰堪之。

不堪王命，乃禍亂也。

○九月，取鄢，言易也。莒亂，著邱公立而不撫鄢，鄢

叛而來。故曰取。凡克邑不用師徒曰取。著邱公去疾也。不書奔者潰散而來。將帥微也。重餐例者以通叛而自來。著直居反。

○鄭子產作邱賦

邱十六井當出馬一匹牛三頭。今子產別賦其田如魯之田賦。田賦在哀十一年。賦斂家資。

使出牛馬。又別賦其田使之出粟也。

國人謗之也。謗毀也。

曰其父死於路

謂子國為劇氏所殺。

己爲蠶尾

謂子產重賦毒害百姓。蠶尾。蠶被過反。

以令於國。國將若之何。子

寬以告

子寬鄭大夫。

子產曰何害。苟利社稷。死生以之也。

以用也。

且吾聞爲善者不改其度。故能有濟也。民不可逞

度不可改也。

度法也。

詩曰禮義不愆。何恤於人言。

逸詩。子產自以為權制濟。

國於禮義無愆也。

吾不遷矣也。

遷移也。

渾罕曰國氏其先亡乎。

渾罕。子寬君。

渾罕聲。

子作法於涼其敝猶貪

涼薄也

作法於貪敝將若之何

言不可久行

姬在列者

在列國也

蔡及曹滕其先亡乎偪而無禮

蔡偪楚曹滕偪宋

鄭先衛亡偪而無法

偪晉楚

政不率法而制於

心民各有心何上之有

子產權時救急渾罕議之正道

○冬吳伐楚入棘櫟麻

棘櫟麻皆楚東鄱邑譙國鄆縣東北有棘亭汝陰新蔡縣東北有櫟亭○今河南汝寧府新蔡縣北二十里有野櫟店即古櫟城也魏收志碭郡安陽縣治麻城今江南徐州府碭山縣有安陽城即古麻城

以報朱

方之役

朱方役在此年秋

楚沈尹射奔命於夏洳

夏洳漢水曲入江今夏口也吳

兵在東北楚威兵在東南以絕其後○夏水冬竭夏流故謂之夏荆州記夏口入江處謂之夏洳蓋夏水之尾也漢末謂之夏口亦曰漢口亦曰沔口沔之下流為漢夏水亦會三水共出此口也章懷太子曰夏口實在江北唐置鄂州而夏口之名移於江南沔水入江之口亦止謂漢口矣今在湖廣武昌

府江箴尹宜咎城鍾離宜咎本陳大夫襄二十四年奔楚遷啓彊城巢然

丹城州來然丹鄭穆公孫襄十九年奔楚東國水不可以城彭生罷賴

之師彭生楚大夫罷闔韋龜城賴之師

○初穆子去叔孫氏及庚宗成十六年辟倚如之難奔齊庚宗魯地○今山東兗州府泗水

縣有庚宗亭遇婦人使私爲食而宿焉問其行告之故哭

而送之婦人聞而哭之適齊娶於國氏國氏齊正卿姜姓生孟丙仲壬

夢天壓己弗勝穆子夢也○勝音升下同顧而見人黑而上僂上僂肩偃○僂

力主反僂紆甫反深目而緘喙口象緘○緘音加喙許穢反號之曰牛助余乃

勝之曰而皆名其徒無之徒從者且曰志之志識也○識申志反及

宣伯奔齊饋之

宣伯倚如穆子之兄成十六年奔齊穆子饋宣伯

宣伯曰魯以先子

之故

先子宣伯先人

將存吾宗必名女名女何如對曰願之

久矣

言兄始為亂已則有今日之願蓋忿言

魯人名之不告而歸既立

在齊生孟丙仲

壬魯名之立為卿襄二年始見經

所宿庚宗之婦人獻以雉

獻子問其姓

問有子否○女生曰姓姓謂子也

對曰余子長矣能奉雉而從我矣

襄二年

牛五六歲○奉音捧

名而見之則所夢也未問其名號之曰牛

曰唯皆名其徒使視之遂使為豎

豎小臣也傳言從夢未必吉

有寵

長使為政

為家政

公孫明知叔孫於齊

公孫明齊大夫子明也與叔孫相親知歸

未逆國姜子明取之

國姜孟仲母○取七住反

故怒其子長而後使

逆之

子孟丙仲壬

田於邱籓

邱籓地名

遂遇疾焉。豎牛欲亂其室。

而有之。強與孟盟不可。

欲使從己孟不肯

叔孫爲孟鐘曰爾

未際

際接也孟未與諸大夫相接見

饗大夫以落之

以豶豬血釁鐘曰落

既具饗禮具使

豎牛請日

請饗日

入弗謁

謁白也

出命之日

詐命日

及賓至聞鐘

聲牛曰孟有北婦人之客

北婦人園姜也客謂公孫明

怒將往牛止

之賓出使拘而殺諸外

殺孟丙

牛又強與仲盟不可仲

與公御萊書觀於公

萊書公御士名仲與之私遊觀於公官

公與之環賜玉環使

牛入示之

示叔孫

入不示出命佩之牛謂叔孫見仲而

何

而何如何見音現下同

叔孫曰何爲

性牛言

曰不見既自見矣

言仲已自往見

公與之環而佩之矣。遂逐之。奔齊。疾急。命名仲牛。

許而不名。杜洩見。告之。飢渴。授之。戈。

杜洩叔孫氏宰也。牛不食叔孫。叔孫怒。欲

使杜洩殺之。洩息列反。

對曰。求之而至。又何去焉。

言求食可得。無為去。豎牛。蓋杜洩力不能去。設

辭以

豎牛曰。夫子疾病。不欲見人。使寘饋于个而退。

寘。置也。个。東西廂。

牛弗進。則置虛命徹。

寫器令空。示若叔孫已食。命去之。

十二月

癸丑。叔孫不食。乙卯。卒。

三日絕糧。

牛立昭子而相之。

昭子豹之庶子。

叔孫姑也。媼。救略反。

公使杜洩葬叔孫。豎牛賂叔仲昭子與南

遺。

昭子。叔仲帶也。南遺。季氏家臣。

使惡杜洩於季孫而去之。

憎洩不與已同志。

杜

洩將以路葬。且盡卿禮。

路。王所賜。叔孫車。

南遺謂季孫曰。叔

孫未乘路葬焉用之且冢卿無路介卿以葬不亦

左乎

冢卿謂季孫介次也左不便

季孫曰然使杜洩舍路

金盃也

不可曰

夫子受命於朝而聘于王

在襄二十四年夫子謂叔孫

王思舊勲而

賜之路

感其有禮以念其先人

復命而致之君

豹不敢自乘

君不敢逆王

命而復賜之使三官書之吾子爲司徒實書名

謂季孫也

書名定位號

夫子爲司馬與工正書服

謂叔孫也服車服之器工正所書

孟孫

爲司空以書勲

勲功也

今死而弗以是弃君命也書在

公府而弗以是廢三官也若命服生弗敢服死又

不以將焉用之乃使以葬季孫謀去中軍豎牛曰

夫子固欲去之

誣叔孫以媚季孫

經五年春王正月舍中軍

襄十一年始立中軍

○楚殺其大夫

屈申

書名罪之。季氏本曰：非其罪故不去其大夫。

○公如晉○夏莒牟夷以牟

婁及防茲來奔

城陽平昌縣西南有防亭。姑幕縣東北有茲亭。今平昌故城在安邱縣西南六十里。諸城縣西北

有姑幕故城。茲亭在其境。俱屬山東青州府。

○秋七月公至自晉○戊辰叔弓

帥師敗莒師于蚡泉

蚡泉魯地。蚡扶粉反。

○秦伯卒

無傳不書名。未同盟。○家氏鉉

翁曰：史失其名。春秋因之。

○冬楚子蔡侯陳侯許男頓子沈子徐人

越人伐吳

傳五年春王正月舍中軍。甲公室也。

罷中軍。季孫釋左師。孟氏稱右師。叔孫氏

則自以叔孫為軍名。○孔疏：襄十一年，初作三軍，十二分其國民，三家得七，公得五，國民不盡屬公，公室已是卑矣。今舍中軍，四分公室，三家自取其稅，減已稅以貢於公，國民不復屬於公，公室彌益卑矣。又曰：不云舍三軍者，唯舍中軍之衆，屬上下二軍，其上下二軍依舊不動，故唯云舍中軍也。劉炫云：四分公室，制法別耳，還作三軍，不得言舍三軍。毀中軍于施氏，成諸臧氏。季孫不欲親其議，敕二家會諸

大夫發毀置之初作中軍，三分公室而各有其一。三家各有一軍

家屬季氏盡征之。無所入於公叔孫氏臣其子弟。以父兄歸公孟氏

取其半焉。復以子弟之半歸公。○孔疏：叔孫氏臣其子弟，明其更有父兄，以一家之內有此四品，叔孫氏則以父兄之稅入公，子弟之稅

入己。若總計父兄之數不足，以子弟添父兄，若子弟不足以父兄添子弟，大率半屬於己也。孟氏則於子弟之中而取其半，於一家之內或取其子，或取其弟

大率而言，三分歸公，一分入己也。及其舍之也，四分公室，季氏擇二。簡擇取二分

二子各一，皆盡征之，而貢于公。國人盡屬三家，三家隨時獻公而已以書

使杜洩告於殯

告叔孫之柩

曰子固欲毀中軍既毀之矣

故告杜洩曰夫子唯不欲毀也故盟諸僖闕詛諸

五父之衢

皆在襄十一年

受其書而投之

投擲也

帥士而哭之

痛叔孫之

見誣叔仲子謂季孫曰帶受命於子叔孫曰葬鮮者

自西門

不以壽終為鮮西門非魯朝正門○鮮上聲引疏名之為鮮言年命鮮少也

季孫命杜洩

命使從西

門杜洩曰卿喪自朝魯禮也

從生存朝覲之正路○蓋以西門幽辟故欲從正路而出南門

吾

子為國政未改禮而又遷之

遷易也

羣臣懼死不敢自

也

自從也

既葬而行

善杜洩能辟禍

仲至自齊

聞喪而來

季孫欲立之南

遺曰叔孫氏厚則季氏薄彼實家亂子勿與知不

亦可乎。南遺使國人助豎牛，以攻諸大庫之庭。

攻仲壬也。

魯城內有大庭氏之虛，於其上作庫。

司宮射之，中目而死。豎牛取東鄙三

十邑，以與南遺。

取叔孫氏邑。射音石。

昭子即位，朝其家衆，曰：豎

牛禍叔孫氏，使亂大從。

使從於亂。服氏虔曰：使亂大和順之道。

殺適立庶，又

披其邑，將以赦罪。

披，析也。謂以邑與南遺。昭子不知豎牛餓殺其父，故但言其見罪。

罪莫大焉。

必速殺之。豎牛懼，奔齊。孟仲之子殺諸塞關之外。

齊魯界上關。塞，悉代反。

投其首於寧風之棘上。

寧風，齊地。

仲尼曰：叔孫昭

子之不勞，不可能也。

不以立己為功勞，據其所言善。之時魯人，不以餓死語昭子。

周任有

言曰：為政者不賞私勞，不罰私怨。詩云：有覺德行。

四國順之

詩大雅覺宜也言德行直則四方順從之。任音壬。

初穆子之生也。莊叔以

周易筮之

莊叔穆子父得臣也。

遇明夷三三

離下坤上明夷。

之謙三三

艮下坤上。

謙明夷初九變為謙。

以示卜楚邱

楚邱卜人姓名。

曰是將行

行出奔。

而歸為子

祀

奉祭。

以讒人入其名曰牛卒以餒死明夷日也

離為日。

傷也日明傷。

日之數十

甲至癸。

故有十時亦當十位自王已下

其二為公其三為卿

日中當王食時當公平日為卿雞鳴為士夜半為阜人定為輿黃昏為隸日入為僚暝時

為僕日昃為臺隅中日出闕不在策算王公曠其位。脯布吳反昃由結反。

日上其中

日中盛明。食日

為二位

旦日為三

卿位。

明夷之謙明而未融其當旦

乎

融朗也離在坤下日在地中之象又變為謙謙道卑退故曰明而未融日明未融故曰其當旦乎。

故曰為子祀

莊叔卿也。卜豹為卿。故知為子祀。

日之謙。當鳥。故曰明夷于飛。

離為日。為鳥。離變為謙。日

光不足。故當鳥。鳥

飛。行。故曰于飛。

明而未融。故曰垂其翼。

於日為未融。於鳥為垂翼。

象日

之動。故曰君子于行。

明夷初九得位有應。君子象也。在明傷之。世居謙下之位。故將辟難而行。

當三

在旦。故曰三日不食。

旦位在三。又非食時。故曰三日不食。

離。火也。艮山也。

離為火。火焚山。山敗。

離艮合體。故

於人為言。

艮為言。○孔疏說卦云。成言乎艮。故艮為

言也。敗言為讒。

為離所焚。故言敗。

故曰有攸往。主人有言。言必

讒也。

離變為艮。故言有所往。往而見燒。故主人有言。言而見敗。故必讒言。

純離為牛。

易離上離下。離畜牝牛。吉。故言純離為牛。

世亂讒勝。勝將適離。故曰其名曰牛。

離焚山則離勝。譬世亂則讒勝。山焚則離

獨存。故知名牛也。豎牛非牝牛。故不吉。

謙不足。飛不翔。

謙道冲退。故飛不遠翔。

垂不峻。翼不

廣

峻高也翼垂下故不能廣遠

故曰其爲子後乎

不遠翔故知不遠去

吾子亞卿

也抑少不終

旦日正卿之位莊叔父子世爲亞卿位不足以終盡卦體蓋引而致之

○楚子以屈申爲貳於吳乃殺之

造生

以屈生爲莫

敖

生屈建子

使與令尹子蕩如晉逆女過鄭鄭伯勞子蕩

于汜勞屈生于菟氏

汜菟氏皆鄭地○汜扶巖反菟大胡反○寰宇記菟氏城在河南開封府尉氏縣西北四

十里晉侯送女于邢邱子產相鄭伯會晉侯于邢邱

傳言

楚強諸侯畏敬其使

○公如晉

即位而往見

自郊勞至于贈賄

往有郊勞去有贈賄

無失禮

揖讓之禮

晉侯謂女叔齊曰魯侯不亦善於禮乎對曰魯

侯焉知禮。公曰：何爲自郊勞，至于贈賄，禮無違者。

何故不知對曰：是儀也，不可謂禮。禮所以守其國。

行其政令，無失其民者也。今政令在家，在大夫不能取

也。有子家羈，弗能用也。羈，莊公立孫懿伯也。奸大國之盟，陵虐

小國。謂伐莒取鄆。奸音干。利人之難，謂往年莒亂而取鄆。不知其私，不自知有私難。公

室四分，民食於他。他謂三家也。言魯君與民無異。言公如民然求食於他也。思莫在公。

不圖其終，無為公謀終始者。思去聲。爲國君，難將及身，不恤其所。

禮之本末，將於此乎在。在恤民與憂國。而屑屑焉，習儀以亟。

言以習儀爲急。言善於禮，不亦遠乎。君子謂叔侯於是乎知

禮

時晉侯亦失政。叔齊以此諷諫。

○晉韓宣子如楚送女。叔向爲介。鄭子皮子大叔

勞諸索氏。

河南城皋縣東有大索城。○今滎陽東北三十里有京城大索城在京城西二十里。其東北四十里爲小索城屬開封府。

大

叔謂叔向曰。楚王汰侈已甚。子其戒之。叔向曰。汰

侈已甚。身之災也。焉能及人。若奉吾幣帛。慎吾威

儀。守之以信。行之以禮。敬始而思終。終無不復。

事皆可復。

行從而失儀。從順也。敬而不失威。道之以訓辭。奉之

以舊法。考之以先王。以先王之禮成其好。度之以二國。度晉楚之勢而行之。雖

汰侈。若我何。及楚楚子朝其大夫曰。晉吾仇敵也。

苟得志焉。無恤其他。今其來者。上卿。上大夫也。若

吾以韓起爲閣。

刑足使守門

以羊舌肸爲司宮。

加宮刑

足以辱

晉。吾亦得志矣。可乎。大夫莫對。蘧啓彊曰。可。苟有

其備。何故不可。恥匹夫不可以無備。况恥國乎。是

以聖王務行禮。不求恥人。朝聘有珪。

珪以爲信

享。頰有璋。

享。饗也。頰。見也。既朝聘而享見也。臣爲君使執璋。頰他弔反。孔疏謂主國設酒食以饗賓。賓則執璋以行禮也。

小有述職。諸侯

適天子曰述職。

大有巡功。

天子巡守曰巡功。

設机而不倚。爵盈而不飲。

言務行禮。

宴有好貨。

宴飲以貨爲好。衣服車馬在客所無。好去聲。

殮有陪鼎。

熟食爲殮。陪。加也。加鼎所以厚

殷勤。

入有郊勞。

賓至逆勞之於郊。

出有贈賄。

去則贈之。以貨賄。

禮之至。

也。國家之敗失之道也。則禍亂興。

失朝聘宴好之道

城濮之

役

在僖二十八年

晉無楚備。以敗於邲。

在宣十二年言兵禍始於城濮

邲之役。楚

無晉備。以敗於鄆。

在成十六年

自鄆以來。晉不失備。而加

之以禮。重之以睦。

君臣和也

是以楚弗能報。而求親焉。既

獲姻親。又欲恥之。以召寇讎。備之若何。

言何以為備

誰其

重此。

言怨重

若有其人。恥之可也。

謂有賢人以敵晉則可恥之

若其未有。

君亦圖之。晉之事君。臣曰可矣。求諸侯而麋至。

麋羣

也。麋。邱隕反。

求昏而薦女。

薦進也

君親送之。上卿及上大夫致

之。猶欲恥之。君其亦有備矣。不然。奈何。韓起之下。

趙成中行吳魏舒范鞅知盈

五卿位在韓起之下皆三軍之將佐也成趙武之子吳荀偃之

子羊舌肸之下祁午張趯籍談女齊梁丙張駱輔

躒苗賁皇皆諸侯之選也

言非凡人。躒古百反。躒力狄反賁音檢選去聲

韓襄爲

公族大夫韓須受命而使矣

襄韓無忌子也爲公族大夫須起之門子年雖幼已任出使。

使去聲

箕襄邢帶

二人韓氏族。食邑於箕邢。

叔禽叔椒子羽

皆韓起庶子

皆大

家也韓賦七邑皆成縣也

成縣賦百乘也

羊舌四族皆彊家

也

四族銅鞮伯華叔向叔魚叔虎兄弟四人。叔虎雖死其族猶在。

晉人若喪韓起楊肸五卿

八大夫

五卿趙成以下八大夫祁午以下。叔向本羊舌氏食采於楊故又號楊肸。

輔韓須楊石

石叔向子

食我也。食音嗣。

因其十家九縣

韓氏七羊舌氏四而言十家舉大數也羊舌四家共二縣故但言彊家。孔疏哀二

年傳曰：上大夫受縣，論語云：百乘之家，家即縣也。

長轂九百

長轂，戎車也。縣百乘。

其餘四十縣遺

守四千

計遺守圍者，尚有四千乘。

奮其武怒，以報其大恥。伯華謀之

伯華，叔向兄。

中行伯魏舒帥之

伯中行吳

其蔑不濟矣。君將以親

易怨

失婚姻之親。

實無禮，以速寇，而未有其備，使羣臣往

遺之禽，以逞君心，何不可之有。王曰：不穀之過也。

大夫無辱

謝遂啓殪，遺唯季反。

厚爲韓子禮。王欲赦叔向，以其

所不知而不能

言叔向之多知。

亦厚其禮。韓起反，鄭伯勞諸

圍

圍，鄭地名。今圍城鎮在開封府杞縣南五十里。

辭不敢見禮也

奉使君命，未反故。

○鄭罕虎如齊，娶於子尾氏

自爲逆也。

晏子驟見之，陳桓

子問其故對曰能用善人民之主也

謂授子
產政

○夏莒牟夷以牟婁及防茲來奔牟夷非卿而書

尊地也

尊重也重地故書以
名其人終為不義

莒人愬于晉

愬魯受
牟夷

晉侯欲止

公范獻子曰不可人朝而執之誘也討不以師而

誘以成之情也為盟主而犯此二者無乃不可乎

請歸之閒而以師討焉

閒暇也
閒音閑

乃歸公秋七月公

至自晉莒人來討

討受
牟夷

不設備戊辰叔弓敗諸盼泉

莒未陳也

嫌君臣異
故重發例

○冬十月楚子以諸侯及東夷伐吳以報棘櫟麻

之役

復在四年

遠射以繁揚之師會於夏汭

會楚于越大夫常

壽過帥師會楚子于瑣

瑣楚地。當在今江南壽州霍邱縣東過平聲

聞吳師出

遂啓彊帥師從之

從吳師也

遽不設備吳人敗諸鵠岸

鵠岸

有鵠尾渚。今江南太平府繁昌縣西南大江中有鵠洲。蓋自銅陵鵠頭山至三山為鵠尾。故江曰鵠江。岸曰鵠岸。

楚子以駟至

於羅汭

駟傳也。羅水名。

吳子使其弟蹶由犒師

犒勞。居付反。

楚人

執之將以饗鼓王使問焉曰女卜來吉乎對曰吉

寡君聞君將治兵於敝邑卜之以守龜曰余亟使

人犒師請行以觀王怒之疾徐而爲之備尚克知

之

言吳令龜如此。亟紀力反。

龜兆告吉曰克可知也君若驩焉好

逆使臣茲敝邑休怠

休解也。好去聲。

而忘其死亡無日矣。

今君奮焉震電馮怒

馮盛也。馮皮冰反。

虐執使臣將以釁鼓

則吳知所備矣。敝邑雖羸若早脩完

完器備。

其可以息

師息楚之師難易有備可謂吉矣。且吳社稷是卜豈爲一

人使臣獲釁軍鼓而敝邑知備以禦不虞其爲吉

孰大焉。國之守龜其何事不卜

言常卜。豈爲于偽反。

一臧一否

其誰能常之城濮之兆其報在邲

城濮戰楚卜吉其效乃在邲。否悲矣反。

今

此行也其庸有報志

言吳有報楚意。

乃弗殺楚師濟於羅汭

沈尹赤會楚子次於萊山。遂射帥繁揚之師先入

南懷楚師從之及汝清

南懷汝清皆楚界。應在今江淮間。

吳不可入有備

楚子遂觀兵於坻箕之山

觀示也。坻直夷反。今江南無為州。巢縣南三十七里有坻山。與地

志以為即坻箕山也。

是行也。吳早設備。楚無功而還。以蹶由歸。

楚子懼吳。使沈尹射待命于巢。遂啓彊待命于雩

婁。禮也。

善有備。

○秦后子復歸於秦

元年奔晉

景公卒故也

終五稔之言

經六年春王正月杞伯益姑卒

再同盟

○葬秦景公

夏季孫宿如晉○葬杞文公

無傳

○宋華合比出奔

衛合比事君不以道自取奔亡書名罪之。許氏翰曰。經書宋公殺其世子痤。宋華合比出奔衛。皆著寺人讒慝敗國以為世戒。○秋

九月大雩。○楚薳罷帥師伐吳。○冬，叔弓如楚。○齊侯伐北燕。

傳六年春，王正月，杞文公卒，弔如同盟禮也。魯怨杞，因晉取。

其田而今不廢，喪紀故禮之。大夫如秦葬景公，禮也。合先王士弔大夫送葬之禮。

○三月，鄭人鑄刑書。鑄刑書於鼎，以為國之常法。叔向使詒子產書。

詒，遺也。遺去聲。曰：始吾有虞於子。虞，度也。言準度子產以為已法。今則已矣。已，正也。

昔先王議事以制，不為刑辟，懼民之有爭心也。臨事制刑。

不豫設法也。法，豫設則民知爭端。辟，婢亦反。下同。孔疏：伊訓云：制官刑，儆于有位。又穆王命呂侯作呂刑，皆是豫制刑矣。而云臨事制刑，不豫設法者，聖王雖制刑法，舉其大綱，但共犯一法，情有淺深，或輕而難原，或重而不可恕，聽其時事，議其重輕，雖依準舊條，而斷有出入，不豫設定法，告示下民，令不測。

其淺深常畏威而懼罪也。今鄭鑄之於鼎，以章示下民，亦既示民，即為定法。民有所犯，依法而斷，設令情有可恕，不敢曲法以矜之。罪實難原，不得違制以入。之法既豫，定民皆先知於是非，倚公法以展私情，附輕刑而犯大惡，是無所忌而起爭端也。猶不可禁禦，是故開

之以義

開防也

糾之以政

糾舉也

行之以禮，守之以信，奉之

以仁

奉養也

制為祿位，以勸其從

勸從教

嚴斷刑罰，以威其

淫

淫放也

懼其未也，故誨之以忠，聳之以行

聳懼也。○行去聲。孔疏：行善得

善行惡得惡舉善惡之行以恐懼之

教之以務

時所急。○時之所急，民或不

使之以

和

說以

臨之以敬，泄之以彊

施之於事為泄

斷之以剛

義斷

猶求

聖哲之上，明察之官

上公王也。官，卿大夫也。

忠信之長，慈惠之師

民於是乎可任使也，而不生禍亂。民知有辟，則不

忌於上

權移於法故民不畏上

竝有爭心以徵於書而徵幸以成

之

因危文以生爭緣徵幸以成其巧偽。孔疏法之設文有限民之犯罪無窮為法立文不能網羅諸罪民之所犯不必正與法同自然有危疑之理因此危文以生與上爭罪之心緣徵幸以成其巧偽將有實罪而獲免者也

弗可為矣

為治也

夏有亂政

而作禹刑商有亂政而作湯刑

夏商之亂著禹湯之法言不能議事以制

周有

亂政而作九刑

周之衰亦為刑書謂之九刑

三辟之典皆叔世也

言刑書不

起於始盛之世

今吾子相鄭國作封洫

在襄三

立謗政

作邱賦也制

參辟鑄刑書

制參辟謂用三代之末法

將以靖民不亦難乎詩曰儀

式刑文王之德日靖四方

詩頌言文王以德為儀式故能日有安靖四方之功刑法也

又

曰儀刑文王萬邦作孚

詩大雅言文王作儀法為天下所信孚信也

如是何辟

之有

言詩唯以德與信不以刑也

民知爭端矣將弃禮而徵於書

以刑書

徵。孔疏端謂本也。今鑄鼎示民則民知爭罪之本。在於刑書矣。制禮以為民則作書以防民罪。違禮之愆。非刑書所禁。故民將弃禮而取徵於書也。

錐刀之末將盡爭之

錐刀末喻小事

亂獄滋豐賄賂竝行終

子之世鄭其敗乎。胙聞之國將亡必多制數改法其此

之謂乎。復書曰若吾子之言

復報也。若如也。誠如吾子之言也。

僑不才

不能及子孫吾以救世也。既不承命敢忘大惠以見

為士文伯曰火見鄭其火乎

火心星。周五月昏見。見音現。

火未出而

作火以鑄刑器

刑器鼎也

藏爭辟焉

作刑書以示民教民使爭罪故謂之爭辟

火如

象之不火何為

象類也。同氣相求。火未出而用火相感而致災。

○夏季孫宿如晉拜莒田也

謝前年受車
夷田不見討

晉侯享之有

加籩

籩豆之數
多於常禮

武子退使行人告曰小國之事大國

也苟免於討不敢求貺

貺賜也

得貺不過三獻

周禮大夫三獻

今

豆有加下臣弗堪無乃戾也

懼以不堪為罪

韓宣子曰寡君

以為驩也

以加禮致驩心

對曰寡君猶未敢

未敢當此加也

况下臣君

之隸也敢聞加貺固請徹加而後卒事晉人以為

知禮重其好貨

宴好之貨

○宋寺人柳有寵

有寵於平公

犬子佐惡之華合比曰我

殺之

欲以求媚犬子

柳聞之乃坎用牲埋書

詐為盟處

而告公曰合

比將納亡人之族

亡人華臣也襄十七年奔衛

既盟于北郭矣公使

視之有焉遂逐華合比合比奔衛於是華亥欲代

右師

亥合比弟欲得合比處

乃與寺人柳比從爲之徵曰聞之久

矣

聞合比欲納華臣○柳比毗志反

公使代之

代合比爲右師

見於左師

左師

左師

曰女夫也必亡

夫謂華夷

女喪而宗室於人何有人亦於

女何有

言人亦不能愛女

詩曰宗子維城毋俾城壞毋獨斯

畏

詩大雅言宗子之固若城俾使也

女其畏哉

爲二十年華亥出奔傳

○六月丙戌鄭災

終士文伯之言

○楚公子弃疾如晉報韓子也

報前年送女

過鄭鄭罕虎

公孫僑游吉從鄭伯以勞請相。辭不敢見。

不敢當國君之勞。相，鄭地。

音查。相。

固請見之。見如見王。

見鄭伯如見楚王。言非疾共而有禮。

以其乘馬八

匹私面。

私見鄭伯。乘去聲。

見子皮如上鄉。

如見楚鄉。

以馬六匹。見子

產以馬四匹。見子大叔以馬二匹。

降殺以兩。

禁芻牧採樵。

不入田。

不犯田種。

不樵樹。不采藝。

藝種也。

不抽屋。不強凶。誓曰。

有犯命者。君子廢。小人降。

君子則廢黜不得居位。小人則退給下劇也。○抽裂也。

舍不

為暴。主不恩賓。

恩惠也。

往來如是。鄭三卿皆知其將為

王也。

三卿，罕、虎、公孫僑、游吉。

韓宣子之適楚也。楚人弗逆。公子奔

疾。及晉竟。晉侯將亦弗逆。叔向曰。楚辟我衷。

辟邪也。衷，正也。

曰碑也亦反

若徇效辟。詩曰：爾之教矣。民胥效矣。

詩小雅言上教下效

從我而已焉。用效人之辟。書曰：聖作則。

逸書則法也

無寧

以善久為則。

無寧寧也

而則人之辟乎。匹夫為善，民猶則

之。况國君乎。晉侯說，乃逆之。

傳言叔向知禮

○秋九月，大雩，旱也。

○徐儀楚聘于楚。

儀楚徐大夫

楚子執之，逃歸，懼其叛也。

使蘧洩伐徐。

蘧洩楚大夫

吳人救之，令尹子蕩帥師伐吳。

師于豫章，而次于乾谿。

乾谿在譙國城父縣南楚東竟。豫章當在江北淮水南。今江南屬陽府亳州。

東南有乾谿與城父村相近，即漢之城父縣也。

吳人敗其師於房鍾。

房鍾吳地。當在鳳陽府壽州棠城縣界。

獲宮廡尹弃疾

關韋施之父

子蕩歸罪於蕩洩而殺之

歸罪於蕩

洩不以敗告故不書

○冬叔弓如楚聘且弔敗也

弔為吳所敗

○十一月齊侯如晉請伐北燕也

告盟主

士匄相士鞅

逆諸河禮也

士匄晉大夫相為介得敬逆來者之禮○陸氏練明曰古本土匄作王正士匄是范宣子即士鞅之父不應取其父同姓名人以為

介依王正為是也

晉侯許之十二月齊侯遂伐北燕將

納簡公

簡公北燕伯三年出奔齊

晏子曰不入燕有君矣民不貳吾

君賄左右諂諛作大事不以信未嘗可也

為明年暨齊手傳

經七年春王正月暨齊平

暨與也燕與齊平前年冬齊伐燕○閒無異事故不重言燕從可知

○

三月公如楚○叔孫婁如齊涖盟

無傳公將遠適楚故叔孫如齊尋舊好○婁救

畧反

○夏四月甲辰朔日有食之○秋八月戊辰衛侯

惡卒

元年大夫盟于甯

○九月公至自楚○冬十有一月癸

未季孫宿卒○十有二月癸亥葬衛襄公

傳七年春王正月暨齊平齊求之也

齊伐燕燕人賂之反從求平如晏子言○

劉氏敞曰傳所云齊求之者似指齊求與魯為平也其下乃云癸巳齊侯次于
饋燕人行成若齊已暨燕平無緣更進次甯而燕乃行成且齊侯伐燕燕人賂
之則傳當云燕求之經當書暨燕平不當反云齊求之暨齊平也自昭公即
位以來未嘗與齊通好此年二月叔孫婁如齊涖盟此則魯與齊平之驗

○癸巳齊侯次于甯

甯燕甯○當在今直隸河間府滄州境

燕人行成曰敝

邑知罪敢不聽命先君之敝器請以謝罪

敝器瑤璆玉楨之屬

公孫皙曰受服而退俟釁而動可也齊大夫二月戊午

盟于濡上

濡水出高陽縣東北至河間鄭縣入易水。宋分高陽地置順安軍。金為安州。元以後因之。濡上當在今直隸安州任邱之

間鄭縣在今任邱縣境

燕人歸燕姬

嫁女與齊侯

賂以瑤瓊玉積筭耳不

克而還

瑤玉也。積匱也。筭耳玉爵。古雅反。明堂位云。燕爵夏后氏以琖殷以斝周以爵。鄭云。筭畫禾稜也。言耳者蓋以器旁有耳

若今之杯

○楚子之為令尹也為王旌以田

析羽為旌。王旌游至於軫。游音留。禮緯云

天子旗九刃。曳地諸侯七刃。齊軫大夫五刃。齊較士三及齊首

芋尹無宇斷之曰一國兩君

其誰堪之及即位為章華之宮納亡人以實之章華南郡

華容縣。芋于付反。斷音短。今湖廣荊州府監利縣東五里有華容城

無宇之闈入焉

有罪亡入章華宮

無

宇執之。有司弗與。王有司也曰：執人於王宮，其罪大矣。執

而謁諸王。

執無字也

王將飲酒。

遇其歡也

無宇辭曰：天子經畧

經營天下

畧有四海

故曰經畧。諸侯正封

封疆有定分

古之制也。封畧之內，何非

君土，食土之毛，誰非君臣？

毛草也。○君者天子諸侯之總名

故詩曰：普

天之下，莫非王土；率土之濱，莫非王臣。

詩小雅濱涯也

天有

十日

甲至癸

人有十等

王至臺

下所以事上，上所以共神也。

故王臣公，公臣大夫，大夫臣士，士臣阜，阜臣輿，輿

臣隸，隸臣僚，僚臣僕，僕臣臺，馬有圉，牛有牧。

養馬曰圉，養牛曰牧

以待百事。今有司曰：女胡執人於王宮，將焉執

之周文王之法曰有亡荒閱

荒大也閱蒐也。有亡人當大蒐其衆。

所以得

天下也。吾先君文王

楚文王

作僕區之法

僕區刑書名。區鳥候反。服氏虔曰僕。

隱也。區匿也。為隱匿亡人之法也。

曰盜所隱器

隱盜所得器

與盜同罪所以封

汝也

行善法故能啓疆北至汝水

若從有司是無所執逃臣也逃而

舍之是無陪臺也

言皆將逃

王事無乃闕乎昔武王數紂

之罪以告諸侯曰紂為天下逋逃主萃淵藪

萃集也天下逋

逃悉以紂為淵藪集而歸之

故夫致死焉

人欲致死討紂

君王始求諸侯而則

紂無乃不可乎若以二文之法取之盜有所在矣

言王亦為盜

王曰取而臣以往

往去也

盜有寵未可得也

盜有寵王自謂

為葬靈
王張本

遂赦之赦無字

○楚子成章華之臺願與諸侯落之

宮室始成祭之為落臺今在華容城內

大宰遽啓彊曰臣能得魯侯遽啓彊來召公辭曰

昔先君成公命我先大夫嬰齊曰吾不忘先君之

好將使衡父照臨楚國鎮撫其社稷以輯寧爾民

嬰齊受命于蜀

蜀盟在成二年衡父公衡

奉承以來弗敢失隕而致

諸宗祧

言奉成公此語以告宗廟

日我先君共王引領北望日月以

冀

冀朝

傳序相授於今四王矣

四王共康鄭及靈王

嘉惠未至唯

襄公之辱臨我喪

襄公二十八年如楚臨康王喪

孤與其二三臣悼心

失圖

在哀喪故

社稷之不皇。况能懷思君德。

皇暇也。言有大喪多不暇。

今君

若步玉趾辱見寡君也。

趾足也。

寵靈楚國以信蜀之役。致

君之嘉惠。是寡君既受貺矣。何蜀之敢望。

言但欲使君來不敢

望如蜀復有質子。

其先君鬼神實嘉賴之。豈唯寡君。君若不

來。使臣請問行期。

問魯見伐之期。使去聲。

寡君將承質幣而見于

蜀。以請先君之貺。

請問也。質音致。

公將往。夢襄公祖。

祖祭神。

慎曰。君不果行。襄公之適楚也。夢周公祖而行。今

襄公實祖。君其不行。子服惠伯曰。行。先君未嘗適

楚。故周公祖以道之。襄公適楚矣。而祖以道君。不

行何之。三月公如楚。鄭伯勞于師之梁。

鄭城

孟僖子

爲介不能相儀。

僖子仲孫纁。纁俱縛反。

及楚不能答郊勞。

爲下僖子病不能相

禮張

本

○夏四月甲辰朔日有食之。晉侯問於士文伯曰。

誰將當日食。對曰魯衛惡之。

受其凶惡

衛大魯小。公曰何

故對曰去衛地如魯地。

衛地承韋也。魯地降婁也。日食於承韋之末及降婁之始乃息。故禍在衛大在

魯小。周四月今二月。故日在降婁。周禮保章氏以星土辨九州之地。鄭注寅析木燕也。卯大火宋也。辰壽星鄭也。巳鶉尾楚也。午鶉大周也。未鶉首秦

也。申實沈晉也。酉大梁趙也。戌降婁魯也。亥蠛蠓衛也。子玄枵齊也。丑星紀吳越也。蠛蠓之次一名承韋。

於是有災。魯實

受之。

災發於衛而魯受其餘禍。

其大咎其衛君乎。魯將上卿。

八月衛侯卒十一月季孫

宿公曰詩所謂彼日而食于何不臧者何也感日食而詞詩

對曰不善政之謂也國無政不用善則自取謫于

日月之災諫也故政不可不慎也務三而已一曰擇

人擇賢二曰因民因民所利而利之三曰從時順四時之所務

○晉人來治杞田前女叔侯不盡歸今公適楚晉人恨故復來治杞田季孫將以成與

之成孟氏邑本杞田謝息爲孟孫守不可謝息信子家臣曰人有言曰

雖有挈餅之知守不假器禮也挈餅汲者喻小知為人守器猶知不以借人○知音智

夫子從君而守臣喪邑夫子謂孟僖子從公如楚雖吾子亦有猜焉

言季孫亦將疑我不忠季孫曰君之在楚於晉罪也言晉罪君之至楚又不

聽晉魯罪重矣。晉師必至。吾無以待之。不如與之。

間晉而取諸杞。

侯晉間隙可復代杞取之

吾與子桃。

魯國卞縣東南有桃虛

成反。誰

敢有之。是得二成也。魯無憂而孟孫益邑。子何病

焉。辭以無山。與之萊柞。

萊柞二山。柞子洛反。

乃遷于桃。

謝息遷也。晉人

爲杞取成。

不書非公命

○楚子享公子新臺。

章華臺也

使長鬣者相。

鬣鬣也。欲先夸魯侯。鬣力輒反。

好以大屈。

宴好之賜。大屈弓名。

既而悔之。遠啓疆聞之。見公公

語之。拜賀。公曰。何賀。對曰。齊與晉越。欲此久矣。寡

君無適與也。而傳諸君。君其備禦三鄰。

言齊晉越將伐魯而取之。慎

守寶矣。敢不賀乎。公懼，乃反之。

傳言楚靈不信，所以不終。

○鄭子產聘于晉，晉侯有疾，韓宣子逆客，私焉。

私語。

曰：寡君寢疾於今三月矣，竝走羣望。

晉所望祀山川，皆走往祈禱。

有

加而無瘳。今夢黃熊入於寢門，其何厲鬼也？對曰：

以君之明，子爲大政，其何厲之有？昔堯殛鯀于羽

山，羽山在東海，祝其縣西南。今山東兗州府沂州東南一百里，有山高四里，周廣八里，其西爲羽淵。

其神化爲黃熊。

以入于羽淵，實爲夏郊，三代祀之。

蘇禹父夏家郊祭之，歷殷周二代，又通在羣神。

之數，并見祀。熊亦作能，三足鼈也。

晉爲盟主，其或者未之祀也乎？

言周衰，晉爲盟。

主得佐天子祀羣神。

韓子祀夏郊。

祀。

晉侯有間。

開差也。

賜子產莒之

二方鼎

方鼎皆所貢

子產爲豐施歸州田於韓宣子

豐施鄭公孫段

之子三年晉以州田賜段

曰日君以夫公孫段爲能任其事而賜之

州田今無祿早世不獲久享君德其子弗敢有不

敢以聞於君私致諸子

此年正月公孫段卒○任音壬下同

宣子辭子產

曰古人有言曰其父析薪其子弗克負荷

荷擔也以微薄喻責重

施將懼不能任其先人之祿其况能任大國之賜

縱吾子爲政而可後之人若屬有疆場之言敝邑

獲戾

恐後代宣子者將以鄭取晉邑罪鄭○屬音燭

而豐氏受其大討吾子取州

是免敝邑於戾而建置豐氏也敢以爲請

傳言子產貞而不諫

宣子受之。以告晉侯。晉侯以與宣子。宣子爲初言。

病有之。

初言謂與趙文子爭州田。

以易原縣於樂大心。

樂大心宋大夫原。晉邑以賜樂大心。

○鄭人相驚以伯有。曰伯有至矣。則皆走。不知所

往。

襄三十年鄭殺伯有言其鬼至。

鑄刑書之。歲二月。

在刑年。

或夢伯有介而

行。

介甲也。

曰壬子。余將殺帶也。

馮帶助子替殺伯有。壬子六年三月三日。

明年壬寅。

余又將殺段也。

公孫段豐氏黨壬寅此年正月二十八日。段即豐氏當言馮氏黨蓋轉寫之誤。

及壬子。

馮帶卒。國人益懼。齊燕平之月。

此年正月。

壬寅。公孫段卒。

國人愈懼。其明月。子產立公孫洩。及良止。以撫之。

乃止。

公孫洩子孔之子也。襄十九年鄭殺子孔。良止伯有子也。立以為大夫使有宗廟。

子大叔問其故。子

產曰鬼有所歸乃不為厲吾為之歸也犬叔曰公

孫洩何為

子孔不為厲問何為復立洩

子產曰說也為身無義而圖

說

伯有無義以妖鬼故立之恐惑民并立洩使若自以大義存誅絕之後者以解說民心○說如字

從政有所反之

以取媚也

民不可使知之故治政或當反道以求媚於民○言從政本有常道今反之以順民心也

不媚不信

說而後信之

不信民不從也及子產適晉趙景子問焉

景子晉章

軍佐趙成

曰伯有猶能為鬼乎子產曰能人生始化曰魄

魄形也

既生魄陽曰魂

陽神氣也○孔疏附形之靈為魄附氣之神為魂初生之時耳目心識手足運動啼呼為聲此

則魄之靈也精神性識漸有所知此則附氣之神也魂魄雖俱是性靈但魄識少而魂識多劉炫云魂魄之生有先後者以形有質而氣無質尋形以知氣故先魄而後魂其實並生無先後也

用物精多則魂魄強

物權勢○孔疏物非權勢之名而以物為權勢

者言有權勢則物備物謂奉
養之物衣食所資之總名也

是以有精爽至於神明

與明也。孔疏此言從微

而不至者蓋精亦神也與亦明也精是神之未著與是
明之未昭言權勢重用物多養此精爽至於神明也

匹夫匹婦強死其

魂魄猶能馮依於人以爲淫厲

強死不病也人謂匹夫匹婦賤身強其丈反

况良霄我先君穆公之胄子良之孫子耳之子敝邑

之卿從政三世矣

去疾輒良霄三世執鄭政

鄭雖無腆

腆厚也

抑諺曰

蕞爾國

蕞小貌蕞在最反

而三世執其政柄其用物也弘矣

其取精也多矣其族又大所馮厚矣

良霄魂魄所馮者貴重

而強

死能爲鬼不亦宜乎

傳言子產之博敏

○子皮之族飲酒無度

相尚以奢相困以酒

故馬師氏與子皮

氏有惡

馬師氏公孫鉏之子罕朔也襄三十年馬師誦出奔公孫鉏代之為馬師與子皮俱同一族

齊師還自

燕之月

在此年二月

罕朔殺罕魘

魘子皮弟○公孫鉏子展之弟展生子皮鉏生罕朔朔是子罕之孫禮謂

之從父昆弟

罕朔奔晉韓宣子問其位於子產

問朔可使在何位子

產曰君之羈臣苟得容以逃死何位之敢擇卿違

從大夫之位

謂以禮去者降位一等

罪人以其罪降

罪重則降多

古之制

也朔於敝邑亞大夫也其官馬師也

大夫位馬師職

獲戾而

逃唯執政所寘之得免其死為惠大矣又敢求位

宣子為子產之敏也使從嬖大夫

為子產故使降一等不以罪降○嬖大夫下大

夫也朔本亞大夫今從下大夫是但降一等

○秋八月，衛襄公卒。晉大夫言於范獻子曰：「衛事

晉爲睦。

睦和也。

晉不禮焉，庇其賊人而取其地。

賊人孫林父其地戚也。

故諸侯貳。詩曰：「鷓鴣在原，兄弟急難。」

詩小雅鷓鴣，鷓鴣難飛，則鳴行則搖，喻兄

弟相救於急難不可自舍。

又曰：「死喪之威，兄弟孔懷。」

威畏也。言有死喪，則兄弟宜相懷思。兄

弟之不睦，於是乎不弔。不相弔恤。况遠人，誰敢歸之。今又

不禮於衛之嗣。

嗣新君也。

衛必叛我，是絕諸侯也。獻子以

告韓宣子，宣子說，使獻子如衛弔，且反戚田。

傳言戚田所由。

還衛。

衛齊惡告喪于周，且請命。王使成簡公如衛弔。

簡公王卿士也。

且追命襄公曰：「叔父陟恪，在我先王之左右。」

以佐事上帝

陟登也。恪敬也。帝，天也。叔父謂襄公。命，如今之哀策。

余敢忘高圉亞圉

二國周之

先也。為殷諸侯亦受殷王追命者。

○九月，公至自楚。孟僖子病，不能相禮。

不能相儀。答郊勞，以此為己病。

乃講學之。

講習也。

苟能禮者，從之。及其將死也。

二十四年，孟僖子卒，傳終

言

之。名其大夫。

僖子屬大夫。

曰：禮，人之幹也。無禮，無以立。吾

聞將有達者，曰：孔丘。

僖子卒時，孔子年三十五。

聖人之後也。

聖人，殷湯。

而滅

於宋。

孔子六代祖。孔父嘉為宋督所殺。其子奔魯。○家語本姓篇：宋泯公熙生弗父何，何生宋父周，周生世子勝，勝生正考父，考父生孔父嘉。

其後以孔為氏。孔父生木金父，金父生鼻夷父，夷父生防叔。防叔辟華氏之禍，奔魯。生伯夏，伯夏生梁紇，梁紇生孔子。

其祖弗父

何以有宋而授厲公。

弗父何，孔父嘉之高祖。宋閔公之子。厲公之兄，何適嗣當立，以讓厲公。

及正

考父

弗父何之曾孫

佐戴武宣

三人皆宋君

三命茲益共

三命上卿也言位高益共

故

其鼎銘云

考父廟之鼎

一命而僂再命而偃三命而俯

俯共於僂

僂共於僂。僂方主反。僂紆羽反。

循牆而走

言不敢安行

亦莫余敢侮

其共如是人亦不敢侮之

饘於是鬻於是。以餬余口

於是鼎中為饘鬻饘鬻餬屬言至儉。饘之然反鬻之六反。餬饘鬻屬

相類之物。稠者曰糜。淖者曰鬻。餬饘是其別名。

其共也如是。臧孫紇有言

紇武仲也曰聖

人有明德者。若不當世。其後必有達人

聖人之後有明德而不當大位

詞正考父

今其將在孔邱乎。我若獲沒

得以壽終

必屬說與何忌

於夫子使事之

說南宮敬叔何忌孟懿子皆僖子之子。屬音悅說音悅。南宮氏也。敬譚叔字也。又字容。又字括。名說

一名

而學禮焉。以定其位

知禮則位安

故孟懿子與南宮敬

叔師事仲尼。仲尼曰：能補過者，君子也。詩曰：君子

是則是效。詩小雅孟僖子可則效已矣。

○單獻公奔親用羈

獻公周卿士單靖公之子。頃公之孫黑肱寄客也。

冬十月辛酉。

襄頃之族殺獻公而立成公。

襄公頃公之父。成公獻公弟。

○十一月季武子卒。晉侯謂伯瑕

伯瑕士文伯

曰：吾所問

日食從矣，可常乎？

衛侯武子皆卒故。從猶俗言應驗也。

對曰：不可。六物不

同。各異時

民心不壹。

政教殊

事序不類。

有變易

官職不則。

治官居職非一法

同始異終，何可常也？詩曰：或燕燕居息，或憔悴事

國。詩小雅言不同其異終也。如是，公曰：何謂六物？對曰：歲時

日月星辰是謂也。公曰：多語寡人辰而莫同，何謂

辰？對曰：日月之會是謂辰。

一歲日月十二會，所會謂之辰。

故以配日。

謂以子丑

配甲乙。言辰無常所分在十二，以十幹配之，明非一所也。

○衛襄公夫人姜氏無子。

姜氏宣姜。

嬖人媯始生孟縶。孔

成子夢康叔謂己立元。

成子，衛卿孔達之孫，烝鉏也。元，孟縶弟。夢時元未生。媯音周，始，烏荅反。縶，張

立反。余使羈之孫圉與史苟相之。

羈，烝鉏子。苟，史朝子。

史朝亦夢

康叔謂己。余將命而子苟與孔烝鉏之曾孫圉相

元。史朝見成子，告之夢。夢協。

協，合也。

晉韓宣子爲政，聘

于諸侯之歲。

在二

媯始生子，名之曰元。孟縶之足不

良弱行也

孔成子以周易筮之曰元尚享衛國主

其社稷

今著

遇屯二二三

震下坎上屯又曰余尚立絜尚克嘉

之

嘉善也遇屯二二三之比二二三

坤下坎上比屯初九爻變

以示史朝史朝

曰元亨又何疑焉

周易曰屯元亨

成子曰非長之謂乎

言屯之元亨謂

年長非謂名元

對曰康叔名之可謂長矣

善之長也

孟非人也將不

列於宗不可謂長

足跋非全人不列為宗主

且其繇曰利建侯

繇卦辭

繇音

嗣吉何建建非嗣也

嗣子有常位故無所卜又無所建今以位不定卜嗣得吉則當從言而建之也

二卦皆云

謂再得屯卦皆有建侯之文○初卜屯象辭曰利建侯次卜屯初九爻辭亦曰利建侯

子其建之

康叔命之二卦告之筮襲於夢武王所用也弗從

何爲

外傳云大誓曰朕夢協朕卜襲於休祥戎商必克此武王辭

弱足者居

跛則偏弱居其家不能行。顧氏炎武曰

屯初九爻辭磐桓利居貞魏明帝之徵管寧曰盤桓利居自昔以居字為句也

侯主社稷臨祭祀奉民

人事鬼神從會朝又焉得居各以所利不亦可乎

孟跛利居元吉利建

故孔成子立靈公十二月癸亥葬衛襄公

靈公元也

春秋左傳杜注卷第二十一